

沁水縣志

第一冊

沁水縣志

第一冊

重修沁水縣志序

天道三十年一變六十年
一大周而人事亦因之邑
乘自前令徐君修後迄今
已八十年矣凡學校之興
廢人才之盛衰政事之寬

嚴風俗之厚薄時異勢殊
不能無今昔之感苟缺焉
不續非特文獻無徵卽長
民者亦無以因志見俗因
俗出治而修廢舉墜之端
往往虛懸焉而莫償其願

則所關豈淺尠哉我

國家重熙累洽道一風同八
埏盡奉車書四夷咸服

聲教二百餘年以來

澤厚仁深何可勝紀今山右纂
修通志令郡縣各採風以

獻誠鉅典也庚辰夏余承
乏是邑政簡民和俗尙猶
敦古處公餘之暇卽以修
志爲急務奈欸費難籌未
免焦心於五夜未幾蒙
爵撫憲大人嚴檄提取邑

志益懼無以報命竊思一
邑典章莫重於志職在有
司萬不敢因循焉以寬其
責因取舊志而披閱之見
纂輯於前者多出於名公
巨卿之手厯經數修折衷

至當其義典而核其論簡
而該其詞潤而腴其筆嚴
而正而且條分縷析燦若
列眉此真可以信今傳後
者也正毋庸增損於其間
也然統計八十年之中科

甲連綿功名顯赫試問鳴
珂梓里者爲何人乎有不
能悉數者矣則選舉缺興
利除害俗美政成試問致
愛棠陰者爲何人乎有不
能詳述者矣則職官缺而

且忠光竹帛義薄雲天宗
族稱孝鄉黨稱弟閨門之
潛德芳踪學士之揚華摛
藻凡所應入者指不勝屈
奈何聽其湮沒而不彰乎
則人物又缺况乎大祿以

來戶口之減耗田賦之蠲
免凡閭閻之所以頌

皇仁而慶更生者尤不可不志

也若夫形勝雄壯山川秀

美歷代沿革前志已悉皆

可各仍其舊秋七月適隨

城李廣文來沁秉鐸余不
禁欣然曰此可以相助爲
理者也補續之事正在今
日遂擇諸生之博學而文
者廣爲採訪共折衷於一
是可法者錄之無稽者置

之遵先民之矩範協輿論
之公評如是而已邑紳李

參軍史明經王千戎皆博

雅士也復朝夕電皇以薦

厥事始於庚辰嘉平朔日

越五月而厥稿初定邑中

紳富量力捐貲請付剗剗
咸樂觀厥成焉顧代遠年
湮難保無遺漏之處而旁
搜遠紹亦堪爲考証之資
後之爲宰者得以因志見
俗因俗出治而修廢舉墜

之端無不時措而咸宜也
豈不深賴此志也夫

同知銜知沁水縣事鑑湖

秦丙燧序

昔

龍飛光緒七年歲次辛巳律中

蕤賓上浣吉旦

沁水縣志

總修

沁水縣知縣秦丙燧

監修

沁水縣教諭張龍光

纂修

沁水縣訓導李疇

督梓

沁水縣端氏鎮巡檢謝鉅

沁水縣典史卞錫詩

參考

廩生楊大年